



ARRHA PIETATIS
 QVAM
 V I R O
 SVMME VENERABILI AMPLISSIMO
 DOCTISSIMO QVE
 DOMINO
 CHRISTOPHORO
 GOTTLOB
 GRVNDIGIO

PROVINCIAM
 ANTISTITIS SACRORVM ET INSPECTORIS
 SCHOLARVM DIOECESEOS FREIBERGENSIS
 POSTRID. CAL. SEPTEMBR.

A. R. S. MDCCLIX.


AVSPICATO INGREDIENTI
 OFFERVNT

DVO INTEGERRIMI

NOMINIS GRVNDIGIANI
 CVLTORES

QVOS VOX VNA QVIDEM SED
 IVNCTOS CONTINET

A M B o.



FREIBERGAE, Litteris MATTHAEANIS.





Omnia nunc fiunt, fieri quae posse negabam:

Tempore iam dixit Naso poeta suo. (*Trist. L. I. EL. VII. 7.*)

Et quis nunc dubitet, similes iterare querelas?

Quum ruit in peius, quod fuit ante bonum,

Quis tantas strages praecuidit mente sagaci,

Quas Mars fecit adhuc ense minisque ferox?

Quis credat, patriam prisca virtute valentem

Tam cito deiectam viribus esse suis?

Et quis non animum sentit terrore moueri,

De misera regum conditione legens,

Quorum hic insidiis fuit absque pudore petitus


Auspicio sacri consilioque gregis,

Ille autem pridem morbo prostratus acuto,

Dum moritur, vivit, dumque reuixit, obit,

Itte, suis vitam degens à ciuibus exsul,
Humanæ vitæ fata vicefque dolet.
Plurima fic fiunt, fieri quæ poffe, negamus,
Multo ut maioris fint medicina mali.
Multa etiam fiunt, fieri quæ poffe negantur,
Ut nos conuincant de bonitate DEI.
Exempli cauffa, quod in hoc difcrimine rerum
Non omnis profus fpes labefacta cadat;
Quod non omnino patriæ commercia ceffent,
Sed vigeant multis floridiora locis;
Quod nos nulla fames, belli comes horrida, vexet,
Et vilis pretii pane fruamur adhuc;
Quod tam larga feget noftris fuccrefcat in aruis,
Quæ tamen ob turbas vix potuere coli;
Quod petat à nobis fruges Boiémica terra,
Quæ nobis alias fuppeditauit eas.
At, quid opus multis? fieri quæ poffe negabant
Plerique, effectum nuper id effe, patet.
GRVNDIGIVS, nunquam fibi qui perfuaferat illud,
Nec prece quaeferat, nec meditatus erat,
GRVNDIGIVS Praeful diuina forte creatur,
Qui nos praefidio confilioque regat.
Ex hoc caeleftis miranda potentia regis
Quod pateat, noftrum nemo negare poteft.
Hic etenim multo praefat maiora, rogare
Quam quifquam aut celeri mente videre poteft.
Nec minus hoc factò elucet fapientia fummi,
Qua bene vult nobis hac ratione, DEI.

Inprimis vero se eiufdem gratia prodit,
Hoc argumento quae manifesta patet.
Haec quantum tacito miramur pectore fata,
Quae difpenfantur cunâtipotente manu,
Tantum gaudemus, quod vota precesque bonorum,
Pauci quamuis fint, hoc valuere loco.
Nos non laetamur, quod nancifcamur amicum,
Qui nobis dudum cognitus ante fuit,
Candida fed pura sentimus gaudia mente,
Gaudia, quae certae funt documenta fpei,
Multos ac varios ſibi quod res publica fructus
Hoc oblata videt Praefule noſtra nouo.
Publica qui ſemper curabit commoda promtus,
Et felix cauſam poſteritatis aget.
Ergo piis votis Numen caeleſte precamur,
TE nobis ſeruet, Vir Reuerende, diu.
Vt pacis praeco, mente hinc, hinc corpore ſaluus
Nobiſcum poſſis pace fauente frui.



78 M 496

ULB Halle 3
001 618 148



TA-506

617





